




MAONDBLAD WUT EGEVEN DEUR DE GEMIENSCHOP VAN OLL OMMER.

't Maondblad van de Gemiens chop
van Oll 'Ommer, vers chient veur lo-
pig zes keer in 't jaor. Alles
wat dr in mut te stuur 'n naor
't adres van de opstellers:
KRUUSTRACTE 4 of VRI 'JTHOF 9.
Eerste jaorgang, nummer iene.
Januari 1954.

Börgerlijke Stand.

12 Jan. 1954.

Geboor 'n:

JAN ALBERTUS,

zönne van Gerard Garrissen en
zien vrouwe.

Schurinkstraote 6.

Leed 'n van de Gemiens chop
kriegt dit blaaggien veur
niks. Belangstellenden könt
veur 'n daalder in 't jaor,
in beparkte maote, op an-
vraoge 'n abonnement krieg 'n.
Advertenties wördt niet op
'e nummen.

De inhöld van dit blaaggien
wordt uuts lutend deur de sa-
menstellers bepaold. Beroep
is niet meugelijk. An schrie-
verijje met aandere kraanten
wördt niet mee e daon.

BEGUNSEL EN DOEL.

Op 'n dag van vandage wördt 't er een ni'jen stap ezet op 'n langen weg. De g. emenschap Oll'Ommer kump met een eigen bescheiden kraantien veur 'n dag. Het is zeker goed en nuttig in dit eerste nummer even in 't kort uutien te zetten wat now eigenluk het begunsel is van die "Geheimzinnige" Gemienschap en wat veur doel of ze naostreeft.

Wi'j geleuft daw dat begunsel niet better kunt umschrijven dan met het woord "Gemienschopszin". Ons Ommer volk ef al-tied een sterk ontwikkeld gevuul veur de gemitenschappelijke verantwoordelijkheid van de mensen veur mekare ehad.

De olle gewoonten rondom geboorten, 't leven en starven bint dr ut beste bewies van.

In onze tied dreigt die alle gebruken verleuren te gaoen en daarmee een eel stuk van de olde gemitenschapszin tegelieke kapot.

Ni'je tieden, ni'je zeden! Zeker!

Maar 'n kostbaarn inold van de olde vaten, die 't onze olde gewoonten en gebruken bint, müs veur 't naogelacht bewaard blieden.

Den inold vatte wie saamn onder dat iene woord "Gemitenschapszin". Den gemitenschapszin wille wi'j bewaarn en ankweekn. Daorumme iette w'i j gien vereniging, gien Genootschap, maar een Gemienschap. Wi'j wilt bi'j ons zelf begunnen!

In onze eigen kring van Oll'Ommer wille wi'j probeern mekare te begripen en te elpen. Alle wille wi'j doen en alles naolaoten umme een ienheid töt stand te brengen die in Ommen een goeie geeste van samenwerking kan brengen. Zonder daw ok maar in 't minste of geringste mekare wilt noodzaken onze Godsdienstige of politieke opötting te verlochenen. Gien vermanging en gien verzwakking van 't Godsdienstige begunsel van Hervormdn, Gereformeerdn, of Rooms-sen streve wi'j nao. Gien eenheid boven geloofsverdeeldheid.

Maar beparking totdat wat alle Ommer saamn bindt. Wat ons Gemitenschappelijk arf is. De welstand van Ommen, de in stand-oldige van onze gebruken, en ok onze Ommer spraoke streve wi'j nao. Wi'j Ommen tot bluui wil brengen, dient Ommen te kennen. Dat kunt het allerbeste die, die hier geboren en eteugen bint. Die 't arte en 'n aard van 't volk kent. En den aord uut zich het beste en 't gemakkelukste in onze eigen spraoke. Wi'j vuult ons eroepen tot dit wark. En wi'j zult dr ons niet van of laoten brengen of aandern ons. begriepen wilt of niet Wi'j gaot onze gaak. Dat is onze plicht. Dat is ons Recht. Een recht dat met onze geboorte ons toe kwaamp. Een eerst-geboorterecht dus? J ao een eerst geboorterecht umme Ommen, de Stad. onze veurvaders diensten te bewiezen.

Dat is dus ons doel. Ommen te dien'n. Ommen veuruut, te brengen. Ons doel is Ommen *(Oud Ommen)*

Twiede blad van "De Darde Klokke"
Joargang iene, nOmmer iene.

Het is oons noarde'and toch nog e'lukt umme
Ni'j jaorswensch en Gedicht te plaasen.

Olde Joar 1953.

Ni'j Joarswensch 1954

1. Weer un joar van Zörg'n en Troan
Un joar van ellend en narigheid
Maar ok van bli'j schop en van Vreugde
Verdween met drij'n vieftig in de grote Eweg eid
Dri j'n vieftig nog maar pas ant lopen
brach oons kwoad de grootste ellende mee
Toen de eilanden ginds an oonze kusten
Wôrd verslônd'n deur een woeste zee.
2. Eel oons volk vleug toen te waap'n
En gunk vecht'n met den ploert
Den al zo vulle ônderd joar'n
Altied weer op oonze polders loert
Niet ieder iene kon el'pn graav'n
En ginds de diek'n dicht'n goan
Maar ieder iene gaf zien gaav'n
en deud wat mos e doan.
3. Ok oons Omm'n ef e geev'n
Auto's vol direct der vut e'bracht
In de kark'n wôd saampe beed'n
Veur de mens'n in nood om starkt en kracht
In die nood was eel ons volk weer iene
Omm'n vergat zien weest'n zien olde en zien nij'e o
saamt kwaam'n zallemoale in de biene
Zoo kwaamp vôle goeds tót stand deur kwoad.
4. Woaromme zal alleen in nood en bange daag'n
Of wann e roons volk verkeerd in stried
't verschil van kärke en petije zoo vervaag'n
en gewoon bi'j vrede niet?
Drij'n vieftig op de voete volg'n
Is veur mi'j 'n onmeugelikeid
't zal te vôle van veern vieftig varg'n
En doaromme doe ik et veerder in de rappigeid.

5. Toen de schole op 'n Bouweinde
 Vól onder slopers aand'n en ok de gevelstien
 Was 't'n ol'n Ommer den ôm red'n
 En zôrg'n dat 't noageslacht' ôm nog kan zien
 Dat ôk de jeugd en niet allez' 't verleed'n
 de Gemienschop van "Oll Ommer an 't arte giet
 Bewies de opgerichte spôltuun met eer leed'n
 Den in vver'n vieftig vaste dreit en stiet.
6. Veur et eerst sedert mens'n eug'n
 ef d'Ommer jeugd saamt et Sunterkloas e vierd
 Ie kôn't geleuv'n, want et is gien leug'n
 det is een winst die drie'n vieftig siert
 Zo môt 't bliev'n goan wil ier in Omm'n
 een frissen wind wei'n duur een frisse stad
 Dan is de kaans (ik zie et er nog van komm'n)
 Dat margen weer e proat wôd van dat Gat.
7. Saam'n wark'n, Ommer, saam'n
 kow vólle en grote ding'n doen, aw wilt
 Goat dit allenig niet beaam'n
 Moar loat een warklust oons beziel'n die niet stilt
 Op et ogenblik dat drie'n vieftig veurbi'j is
 Now vver'n vieftig nog jong en ni'j is
 Wenscht de gemienschop van Oll Ommer an(t begin
 Een gezeeg'nd joar veut ow en oe gezin.
8. Doornee's, Pastoor en Burgevader met de road'n die oe bi'j
 (stoan
 Dat tow in kark en stadbesturen toch moar goed mag goan
 Wie wenst dit as et ier geboor'n geslacht
 En wenst et niet allenig, moar et is oons ok bedacht
 Loat 't volk van Omm'n an de Vechte
 Zie'n Oard en Woord bewaar'n want da's et rechte
 Saam'n wark'n met ieder die de goeije kaante op wilt goan
 En d'eandren an de kante loat'n stoan.

Et gedicht dat ier wördt of e drukt is *van*
Spanjers - Dieks, an all de Oll' Ommer, in elk geval
bi'j name, wel bekend.

'Is 't adres van 'n brief den't Dieks schreev
an zie'n moeder, ongeveer in 't midden van de veurige
eeuw. Zo umstreeks 1860.

Spanjers - Dieks's wark'n in Amesfoort en zett'n
dit gedicht zonder ienig ander adres op zien brief.
De brief kwaamp best over.

Dat gij dit briefje ~~brengt~~
Naar Ommen, in een hoek
Als Achterhoek(1) bekend,
Is vriendelijk mijn verzoek.
Dicht bij een fraai gebouw(2)
Van Abram's nageslacht,
Woont ene weduwvrouw,
Die het moet zijn gebracht,
Doch waar ik kort wil zijn,
Met dit mijn lang geklits,
Het mannetje op de spits,(3)
Zij Diekeman tot gids.(4)

(1) Vrogger wörd de teeg'nwoordige Middenstroate,
Gasthuusstroate en Vassenerstroate saam'n 'n Ach-
terhoek e'nuumt. De Moeder van Spanjers-Dieks woon'n
waar now de Eierhal stiet.

(2) De Jeuden-karke, waar now de apotheek van van Dijk
stiet.

(3) 'n Windwiezer op 't olderlijk huus van Dieks, in
de vörm van een mannegien.

(4) Diekeman was de postbode in die daæg'n.

DE DARDE KLOKKE.

De dárde klokke dit is de name die wi'j egeevn ebt an ons blagien. Of of wi'j an die name komt? Wel dat zit zo. De meesten van ons ebt wel is euren vertellen dat er wógger een dárde klokke in 'n toorn mut ewas eppen. De oldn vertelt dat met grote zekerheid, ai ze eurt dan is ter gien twiefel an. Now bint die verhalen niet 't zelfde, 'n ienen vertelt dat è deur de koezakken uut 'n toren op 'n wagen is è laadn en naor Zwolle è brag zol wudden um te verkopen, maar toen de wagen op 'n puppelendiek was naor Vassen, konden de peerde ut vanwege de slechte weg niet meer trekken en wudden è wecr umme è brag, um per schip dat in 'n Burggraven lag deur de Vechte vervoerd te wudden. Maar bi'j 't inladen is de klokke deur de bodem van 't schip egaon en de klokke lig in 'n Burggraven, en een aander vetelt, dat de Bisschop van Munster (Bommen Berend) in 1672 de klokke of mee willen nemmen naor Munster, op 'n wagen ef è laadn um in de richting van 'n Hassenweg naor 'n Hardenburg te gaon. De wage brak, de Staatse troepen zaten um achter de brock, gien tied umme op 'n aandere wagen te laan, en toen ebt ze de klokke maar in 'n Tegen Oordt (den toen nog arg drassig was) é gooit, en dus zit de klokke in 'n lozen Oordt. Aandern zegt de klokke zit in 'n kolk bij de mulle. Misschien bint dr nog meer verhalen over.

De gemienschop ef beslóttten 'n bekenden wichelroeloper te laoten kommen, om te zien of ter ienige waarheid in die verhalen zit. Mocht nou blickken dat er inderdaod een darde klokke is in 'n legen Oordt, 'n kolk, of in 'n Burggraven, dat ebbe ebbe wi'j ons blagien è nuunt naor disse istorische klokke, maar is ter gien klokke te vinden? dan wil dit blagien de darde klokke weën, um ons op te roepn de doelstallige van de gemienschop niet te vergetten en daoran mede te warken die te verwezelijken.

Ons op te roepen de vergaderingen trouw te bezuken, ons gemienschopsgevuul te verstevigen, enz. enz.

In dit eerste blagien zeu'j vinden 'n euft artikel dat 'n uutienzettige zal geven van de doelstelling van de Gemienschop, 'n oproep tot onze leden veur onze jaorvergadering, de Burgerlijke Stand voor zover 't onze leedn betreft en 'n adres in dichtvórm, disse en aandere stukkies bv. vetellingen en grappige dingen k'j in 't vervolg in ons blaaggien verwachten.

Wi'j opt dat an 't doel waarveur de Gemienschop dit blagien uut gif ut mag voldoen. Wi'j verwacht ok van de leedn alle medewarking.

De Veurzitter.

FAORVERGADERIGGE van de Gemianschop
van " OLL'OMMER!

Op 'n 28sten Januari 1954 hoppe wi'j onze feestelijke vergaderigge te ollen in 't Zwarte Peerd. Wi'j verzuukt de leden zo völle meugeluk met de vrouwe te kommen. Veur dak ow vertelle wat ter 's aovunds gebeurt muk ow eerst nog wat anders zeggen.

De kosten van dit feessie muw zelf betalen, dat kost de man een riekdsdaalder. Nouw zult dr Maondag un 25sten iene van 't bestuur of de commissie bi'j ow kommen un te vraogen met oevulle ai komt en dan met iene den riekdsdaalder op alen, dus ai der met de vrouwe komt, is dat met mekare twie riekdsdaalders.

't Feest begint un alf acht, bij Meriens van Kaarl.

Wi'j kriegt dan eerst:
een korte toespraoke van de Veurzitter,
dan 't jaorverslag van de schriever, en van de man van de oenten,
dan stemme wi'j de bestuursleed 'n (Henduk van Timmerman van 'n Oondt, Martend van Makkinga en Jewans van Hurink treedt of).
I'j kriegt onder de tied un kuppie koffie.

As dr een stukkie muziek en een veurdracht van Harm Oldeman ewes is zlt wel zo ongeveer negen uur wezen en dan ette wi'j bri'j.

Daornao een veurdracht van Gait Jan Paarhuis over "Rogge", en dan een borreltien.

Hiernao wil Gait Stien, ons wat vertellen over 't geslacht "Friesendorp".

Martend en Dieks holt ' dan een samenspraak getiteld: Waor de Bulte umthangt.

dan dut de olde Burgemeester een veurdrachie van Johanna van Buren,

dan drinke wi'j weer wat en Henduk van Elburg zien vrouwe zeg dan een gedicht op van aar zelf.

Carel Siero en Egbert Egberts doet elk nog een veurdracht, waornao muziek en samenzang.

Hier nao ette wi'j een sneegien stoete en wat ter bi'j heurt.

Gait Jan en Dienne doet dan nog een Ni'j jaorswens, en dan is dr 't einde en gauw naor uus.

Mededeligge van 't bestuur:

Jammer genog kon in dit eerste kraantien de Ni'j jaorswens van de Nachtwach op Olllejaorsavond niet meer in. Dr was gien plaatse meer veur. Vaste kump dit now in de volgende kraante en dan kump daor ook in een gedichie van 'n vroggeren Spanjers Dieks, i'j ebt un toch wel ekend, de meester-dichter van Ommen.